

E oho rangatahi, maranga mai!

Mahere Mahi Rangatahi 2025 ki te 28

He mahi ngaatahi i waenga i te rangatahi,
te haponi, me te Kaunihera kia pai ake ai
a Kirikiriroa moo ngaa rangatahi katoa.



**Hamilton
City Council**

Te kaunihera o Kirikiriroa



He Whakakitenga

Ko te orangatonutanga o te ope
rangatahi ki Kirikiriroa Hamilton

Ki te kahore he
whakakitenga, ka
ngaro te iwi

Te Hookaitanga

He momo herenga teenei mahere i waenga i te Kaunihera, ngaa hoa mahi, me ngaa rangatahi hei whakapai ake i te taaone moo te hunga rangatahi katoa o Kirikiriroa.

Ko te mea nui kia tautoko i ngaa rangatahi o Kirikiriroa kei waenga i ngaa tau 12 ki te 24 te pakeke.

Ko Kirikiriroa te taaone tino rangatahi i Aotearoa, me te taupori tiketike o te hunga 25 ngaa tau, heke iho raanei ¹.

E 35.6

6 paeheeneti ki te whakataurite ki

Te 32.5

paeheeneti i te rohe o Waikato me

Te 31.2

paeheeneti i te katoa o Aotearoa



He hapori kanorau te hunga rangatahi, he kaainga nei moo te...

170 ngaa iwi ahurea

e 58.5 paeheeneti o too maatou taupori he 58.5 paeheeneti Paakehaa, 25.4 paeheeneti he Maaori, 22.8 paeheeneti he Aahia, 6.8 paeheeneti Moana-nui-a-Kiwa, 2.7 paeheeneti Raawhiti Waenga/ Amerika Raatini/Aawherika¹.

I hangaia te Mahere Mahi Rangatahi maa te paatai ki ngaa rangatahi (12 ki te 24 ngaa tau) puta noa i te taaone:

Me aha kia pai ake ai a Kirikiriroa moou, aa, hei taaone kia puaawai mai koe?

I kohia mai ngaa whakaaro maa te paapaho paapori, ngaa rangahau ipurangi, ngaa huihuinga, me ngaa waahi e noho ai raatou. Naa te Roopuu Mahi Rangatahi me te Roopuu Tautoko i aawhina ki te waihanga i te mahere nei.

He waahanga noa teenei o te mahi whaanui moo ngaa rangatahi o Kirikiriroa. He tuinga tuatahi anake hoki teenei, ko te tikanga kei te moohio taatou, aa-taaone nei, me ngaawari taatou ki te urupare i ngaa momo panonitanga i roto i too taatou hapori rangatahi.

Ka tuku i ngeenei mahi mai i te tau 2025 ki te 2028, aa, ka arotakengia katoatia hei te tau 2028.

¹ Census 2023 <https://rep.infometrics.co.nz/hamilton-city/census/indicator/ethnicity?compare=new-zealand&census=hamilton-city>

I Peewhea Nei Maatou Tae Mai Ai?

Paengawhaawhaa ki te
Pipiri 2024

Ka hoki ngaa
taapaetanga ki te
Kaunihera moo teetehi
rautaki rangatahi

Pipiri 2024

Ka whakaaengia e te
Kaunihera te whakaahu
o teetehi mahere i mua i
Huurae 2025

Hoongongoi ki te
Hereturikookaa 2024

Ka hui ki ngaa hunga
whaipaanga me Te
Roopuu Tautoko
Tohutohu

Mahuru ki te
Whiringa-aa-rangi 2024

Hui-hapori tuatahi, "He
aha ngaa hiahia oo ngaa
rangatahi?"

Hakihea 2024

Hui awheawhe ki
te Roopuu Mahi me
te Roopu Tautoko
Tohutohu

Kohitaatea 2025

He tuhinga taurira o
ngaa whaainga, kua
tautohu hoki ngaa
tuumahi. Kua tirohia
hoki ngaa hoa mahi

Huitanguru ki te Poutuuterangi 2025

Hui-hapori tuarua, Kei te ara
tika maatou?

Paengawhaawhaa 2025

Ka tautoko ngaa hoa mahi, te
Roopuu Mahi, me te Roopuu
Tautoko Tohutohu ki te whakapai
i te tuhinga whakamutunga

Pipiri 2025

Kua kawea e te
Kaunihera

Hoongongoi 2025

Ka whakatinana



Hamtown Smakdown photographed
by Teddy Redgrove



Me peewhea e haangai ai te Mahere Mahi Rangatahi ki te aronga me ngaa whakaarotau a te Kaunihera o Kirikiriroa:

Ko te aronga o Te Kaunihera o Kirikiriroa kia whakapai ake i te hauoratanga oo ngaa taangata o Kirikiriroa.

Ko te whakakitenga o te Mahere Mahi Rangatahi kia pai ake ai te noho o te hunga rangatahi i Kirikiriroa, waihoki, te tautoko i ngaa whakaarotau, rautaki, me ngaa mahere aa te Kaunihera i teenei waa:

Priority one



Te hanga taaone kia noho pai ai

Ahuahungia teetehi taaone e tau ai te noho ki roto

Priority two



Te hanga taaone e puaawai ai te tangata

Ahuahungia teetehi taaone e puaawai ai ngaa taangata katoa

Priority three



Te hanga pokapuu taaone e manakohia ana

Ahuahungia te pokapuu o teetehi taaone e arohaina ai e te tangata

Priority four



Te hanga taaone hihiri, ngahau hoki

Ahuahungia teetehi taaone ngahau e tini ai ngaa kaupapa papai hei whai

Priority five




Te hanga taaone pai ake moo ngaa raakau me ngaa tipu

Ahuahungia teetehi taaone tiaki taiao

He Pou Manawa Ora

Ko He Pou Manawa Ora te rautaki aa-taaone hei waihanga i teetehi Kirikiriroa e tuu whakahii ai te katoa, wheeraa i te hunga rangatahi, i runga i too taatou hiitori. He mea nui te reo o te rangatahi, aa, ko aa maatou mahi ka arahina e ngaa Pou e whakawhirinaki, e whakahau ana i too taatou hapori kia tipu tahi, kia pakari ake. Maa konei e rongo ai te rangatahi i te hononga, te kaha, me te maaia ki te whakakotahi i te aapoopoo o too taatou taaone.



He Pou Manawa Koorero

He pou e whakamahara ana i a taatou ki ngaa uara o too taatou hiitori motuhake, te reo, te tangata, te whenua me too taatou uu ki te whakaae, ki te whai whakaaro ki ngaa uara, aahuatanga rerekee hoki o teenaa, o teenaa.



He Pou Toorangapuu Maaori

He pou e whakamaanawa ana i ngaa uara, te maatauranga, me ngaa wawata o te iwi Maaori. He hoa oorite te Maaori i te whakatutuki oranga moo te tangata, te whenua, te taiao, me too taatou aapoopoo.



He Pou Manawa Taurikura

He pou e whakarato ana i te haumarutanga, te whakamarutanga, me te aaheinga maa te tangata, ngaa whaanau, me ngaa hapori kia noho haumaru, kia tupu ora ai raatou aa-wairua, aa-ohanga hoki.



He Pou Manawa Taiao

He pou e whakamahara ana i a taatou ki too taatou hononga, too taatou whakawhirinaki, me too taatou haepapa ki te tiaki i te taiao me te ao tuuroa.

Eetehi atu kaupapa e whai waahi ana ki teenei mahere rautaki:

- He Rautaki Whakawhanake Hapori 2021 ki te 2026
- 2024 ki te 2034 Ka Hua. Ka Puaawai. Ka Ora.
- Te Pae Tawhiti o Kirikiriroa
- Ara Kootuitui Kirikiriroa 2022
- Kia oho te mauri o Kirikiriroa 2023 ki te 2033
- Tuuhura te tini taonga o Kirikiriroa hei whakapakari tinana, wairua, hinengaro 2019 ki te 2039
- Community Facilities Strategy 2020
- Te Wao nui o Kirikiriroa 2020 ki te 2050
- Papa Ahuareka (Ngaa Waahi Waatea) 2023 ki te 2053
- Te Waharoa Ki Ngaa Haapori – Kirikiriroa 2022
- Disability Policy Action Plan 2022-2025
- Te Rautaki Hoopua Wai o Kirikiriroa 2021-2031



Mahere Mahi Rangatahi

Ngaa Whaainga

When we asked Hamilton's rangatahi what would help you thrive, you gave us clear goals: a city where you feel safe, heard, supported, connected, and is full of opportunities. This plan is built around your vision - your goals for a better Hamilton.

Whaainga Tuatahi

Kei too maatou taane ngaa waahi tika mooku.

"I like how Hamilton has places where people can browse shops and share kai together..."

"I like all the street art around the city, makes it fun and interesting."

Whaainga Tuarua

He taane ngahau a Kirikiriroa, he nui hoki ngaa mahi maaku.

"I like how Hamilton has all the gigs for our youth (and) events for them to enjoy..."

"I like how Hamilton has great coffee spots, beautiful gardens and top tier people. I love visiting Made on the weekends (and the zoo)!!"

Whaainga Tuatoru

He taaone ngaawari a Kirikiriroa kia neke haere ai au.

"I really like the bus routes and how much freedom that gives me and my brothers"

"I like the traffic calming and safety measures put in place - it makes it easier to walk and cycle, and more eco-friendly"

Whaainga Tuawhaa

He taaone haumarua a Kirikiriroa moo te noho, moo te taakaro hoki.

"I like how Hamilton has many greenspaces, tree-lined streets, cycle lanes and walkways/cycle routes along the riverside."

"I like the bike paths into the city. It makes it much safer. It also enables kids/teens to get places without parental support (cars). More!"

Whaainga Tuarima

He taaone a Kirikiriroa e whakanuia ana tooku reo, tooku aapoopoo hoki.

"I like how Hamilton has many different nationalities living in our town!"

"I like that we have people under 35 on Council!"

Whaainga Tuatahi

Kei too maatou taaone ngaa waahi tika mooku.

Putanga

Ka whai waahi ngaa rangatahi katoa o Kirikiriroa ki ngaa taiao haumarū, whakaururu, whakaihiihi hoki, aa, kia tautoko i o raatou ake hiahia me o raatou ake wawata.

Tuumahi Tuatahi

Arotakengia ngaa whare me ngaa waahi rangatahi puta noa i te taaone (me ngaa waahi hui rangatahi hoki), aa, kimihia ngaa ara hei whakatuu, hei whakapai ake i ngaa pokapuu rangatahi.

Tuunga:
He Mahi Hou

Waa:
2025 ki te 2026

Tuumahi Tuarua

Tautohua ngaa huarahi hou hei mahi paarekareka, taakaro hoki moo ngaa rangatahi i ngaa waahi taiao.

Tuunga:
Whaka-whanake

Waa:
2026 ki te 27

Tuumahi Tuatoru

Whakaritea he ara maa te rangatahi ki te whai waahi ki te whakawhanaketanga o ngaa kaupapa pokapuu taaone.

Tuunga:
He Mahi Hou

Waa:
E haere tonu ana

Tuumahi Tuawhaa

Mahi arotahi me ngaa roopuu whai paanga, ngaa rangatahi hoki hei tautohu i ngaa otinga tika moo ngaa waahi pokapuu taaone (me te maarama hoki ki te hiahia moo ngaa waahi wheeraa i a Mesoverse).

Tuunga:
He Mahi Hou

Waa:
2025 ki te 26

Tuumahi Tuarima

Tautokona te whakaputa whakaaro auaha a te rangatahi puta noa i te taaone, tae atu ki te whakaatu i te hiitori o Kirikiriroa, te awa o Waikato, me ngeetehi atu waahi whakahirahira.

Tuunga:
He Mahi Hou

Waa:
E haere tonu ana



Whaainga Tuarua

He taaone ngahau a Kirikiriroa, he nui hoki ngaa mahi maaku.

Putanga

Ka whai waahi ngaa rangatahi katoa o Kirikiriroa ki te whaanuitanga o ngaa mahi paarekareka, whakaihihi hoki e whakautu ana i o raatou hiahia me o raatou ake ngaakau nuitanga.

Tuumahi Tuatahi

Whakatairangatia ngaa hui me ngaa kaupapa o Te Wao nui o Kirikiriroa hei whakatenatena i te rangatahi kia whai waahi atu.

Tuunga:
**Whaka-
whanake**

Waa:
**E haere
tonu ana**

Tuumahi Tuarua

Hoahoa, tukuna hoki teetehi mahere whakawhiti koorero rangatahi hei whakapai ake i te putanga atu o te rangatahi ki ngaa whakahaere, ratonga, mahi, me ngaa hui; maa te whakamahi hoki i ngaa pae whakawhiti koorero e haangai ana ki te ao rangatahi.

Tuunga:
**Whaka-
whanake**

Waa:
**E haere
tonu ana**

Tuumahi Tuatoru

Tautoko i ngaa ngohe haakinakina paarekareka moo ngaa rangatahi puta noa i te taaone, maa te whakarato i ngaa koowhiringa e paa ana ki ngaa ahurea rangatahi motuhake o ia rohe.

Tuunga:
**Whaka-
whanake**

Waa:
**2027 ki
te 28**

Tuumahi Tuawhaa

Tautohua ngaa aaheinga puutea hei whakatuu i teetehi poka-puutea rangatahi moo te toi, ngaa hui, me ngeeraa atu ara auaha, aa, me whakaaro hoki ki teetehi puutea toi Maaori motuhake hei whakatairanga i te hiitori me ngaa hononga ahurea o te taaone.

Tuunga:
He Mahi Hou

Waa:
2025 ki te 26

Tuumahi Tuarima

Whakanuia te whakatairanga, te tautoko me te whai waahi ki ngaa kaupapa toi rangatahi o te rohe, me te whakarite hoki kia whai waahi moo te mahi toi Maaori.

Tuunga:
Whaka-whanake

Waa:
E haere tonu ana

Tuumahi Tuaono

Whakaritea kia whai waahi ngaa rangatahi ki roto i ngaa whare pukapuka, aa, i te taha o ngaa kaupapa e whakaihihi ana, e whakauruuru ana i a raatou.

Tuunga:
Whaka-whanake

Waa:
E haere tonu ana

Tuumahi Tuawhitu

Kia whai waahi ngaa rangatahi ki te waihanga me te whakatinana i ngaa kaupapa ahurea matua a te Kaunihera, wheeraa i te Raa o Waitangi me ngaa whakanuitanga o Matariki.

Tuunga:
He Mahi Hou

Waa:
2025 ki te 26

Tuumahi Tuawaru

Waihangatia teetehi kaupapa tuakana, teina hei tautoko i ngaa kaiwhakarite hui rangatahi.

Tuunga:
He Mahi Hou

Waa:
2025 ki te 26



Whaainga Tuatoru

He taaone ngaawari a Kirikiriroa kia neke haere ai au.

Putanga

He ngaawari maa ngaa rangatahi katoa o Kirikiriroa te neke haere i te taaone, maa te tini o ngaa momo waka haumarū, tareka-aa-utu me te uru hoki ki ngaa momo koowhiringa tuunuku.

Tuumahi Tuatahi

Whakatairangatia ngaa ara tuku urupare, aa, whakatenatena i te rangatahi kia whai waahi ki te tuku whakaaro moo ngaa panonitanga, ngaa whakapainga, me te aahei o ngaa ratonga pahi me ngeeraa atu momo waka.

Tuunga:
He Mahi Hou

Waa:
E haere tonu ana

Tuumahi Tuarua

Whakatairangatia te ratonga Flex Bus ki te rangatahi.

Tuunga:
He Mahi Hou

Waa:
2025 ki te 26

Tuumahi Tuatoru

Haere tonu te kaupapa puta noa i te taaone hei whakatuu i ngaa papa pahi hou me te whakahou i ngaa papa pahi e tuu kee ana.

Tuunga:
Haere Tonu

Waa:
E haere tonu ana

Tuumahi Tuawhaa

Whakatairangatia, akohia hoki te rangatahi moo ngaa momo waka tuumatanui me ngaa ara waka toituu.

Tuunga:
He Mahi Hou

Waa:
E haere tonu ana

Tuumahi Tuarima

Tautokona ngaa kaiwhakarato waka ki te mahi ngaatahi me te rangatahi hei waihanga, hei kawhe hoki i ngaa kaupapa wheako paahiko waka.

Tuunga:
Whaka-whanake

Waa:
E haere tonu ana

Whaainga Tuawhaa

He taaone haumaru a Kirikiriroa moo te noho, moo te taakaro hoki.

Putanga

Ka rongo ngaa rangatahi katoa o Kirikiriroa i te haumaru i a raatou e haerere ana i te taaone.

Tuumahi Tuatahi

Haere tonu te whakaarotau i te haumaru i ngaa pokapuu waka, ngaa ratonga a te Kaunihera, me te pokapuu taaone.

Tuunga:
**Haere
Tonu**

Waa:
**E haere
tonu ana**

Tuumahi Tuarua

Whakaurua te rangatahi ki ngaa arotake rama taaone me te tukanga whakatau.

Tuunga:
**He Mahi
Hou**

Waa:
**2026 ki te
27**

Tuumahi Tuatoru

Whakapaingia te kitenga o ngaa tikanga haumaru o te taaone, tae atu ki te rautaki City Safe.

Tuunga:
**Whaka-
whanake**

Waa:
**E haere
tonu ana**

Tuumahi Tuawhaa

Tirohia ngaa aaheinga rangahau hei maarama ake ki ngaa tikanga o te haumarutanga moo ngaa rangatahi puta noa i te taaone, hei arataki i ngaa mahi e whai ake nei.

Tuunga:
**He Mahi
Hou**

Waa:
**2026 ki te
27**

Tuumahi Tuarima

Mahi ngaatahi me ngaa Whare Hapori me ngaa Pokapuu Hapori e tautoko ana i te rangatahi hei kimi i ngaa tohu tika i te wa ka puta mai ngaa awangawanga haumaru.

Tuunga:
**Whaka-
whanake**

Waa:
**E haere
tonu ana**

Whaainga Tuarima

He taaone a Kirikiriroa e whakanuia ana tooku reo, tooku aapoopoo hoki.



Putanga

Ka moohio ngaa rangatahi katoa o Kirikiriroa ki ngaa take e paa ana ki a raatou, aa, ka whai reo hoki raatou ki roto i aua take. Ka kite hoki raatou i too raatou aapoopoo i konei.

Tuumahi Tuatahi

Waihangatia he Kaunihera Rangatahi hei tautoko i te urunga o te rangatahi ki roto i ngaa kaupapa a te Kaunihera, ngaa kaupapa hapori, me te arataki hoki i te ahunga whakamua o te Mahere Mahi Rangatahi nei.

Tuunga:
He Mahi Hou

Waa:
2025 ki te 26

Tuumahi Tuarua

Waihangatia teetehi paetukutuku 'one stop shop' maa te rangatahi, e hono ana ki ngaa hui, ngaa aaheinga, ngaa uiuinga, me ngaa waahi e paa ana ki te rangatahi o te rohe.

Tuunga:
Whaka-whanake

Waa:
2025 ki te 26

Tuumahi Tuatoru

teetehi waahanga hou ki ngaa Tohu Whakanui aa-Rohe hei whakamaanawa i ngaa mahi me ngaa whakatutukitanga a te rangatahi.

Tuunga:
He Mahi Hou

Waa:
2026 ki te 27



Tuumahi Tuawhaa

Whakatairangatia, whakatenatenangia hoki te rangatahi kia whai waahi ki ngaa pooti aa-rohe me ngaa pooti paaremata.

Tuunga:
He Mahi Hou

Waa:
E haere tonu ana

Tuumahi Tuarima

Whakanuia te Wiki o te Rangatahi i ia tau, maa te mahi ngaatahi me te whatunga o ngaa whakahaere rangatahi, maa ngaa hui, ngaa paapaho paapori, me ngaa aaheinga whakawhanaungatanga.

Tuunga:
He Mahi Hou

Waa:
Ia tau

Tuumahi Tuaono

Waihangatia ngaa aaheinga whakawhanaunga moo te rangatahi kia hono atu ki ngaa rakahinonga-aa-rohe me ngaa kaipaakihi hei poipoi i o raatou puumanawa.

Tuunga:
He Mahi Hou

Waa:
E haere tonu ana

Te Whakatinanatanga

Ka riipoatanga ia tau te ahunga whakamua o te mahere nei ki te Koomiti Hapori me te Taiao o te Kaunihera o Kirikiriroa, aa, ka arotakengia katoatia te mahere ia toru tau.

E ai ki te Tuumahi Tuatahi i raro i te Whaainga Tuarima, ko te Kaunihera Rangatahi e whakatuuria ana, ka arahi i te whakatinanatanga o te mahere nei. Ka tuhia te ahunga whakamua, ngaa putanga, ngaa rauemi me ngaa angituu o ia tuumahi, me te mahi ngaatahi hoki me o maatou hoa mahi matua.

Ko ngaa kaupapa ka puta i raro i te mahere nei e hiahia ana ki te puutea me ngaa rauemi kei waho atu i ngaa tahua o naaiane, ka tukuna ki te Kaunihera kia arotakengia, hei waahanga o te Mahere aa-Tau, te Mahere Pae Tawhiti raanei.

Ka whai whakaaro hoki maatou ki te tuutohu o ngaa kaiwhakarato puutea aa-rohe, aa-motu hoki, ki te tautoko i ngaa mahi o teenei mahere.



Ngaa Mihi

Nei raa te tuku mihi ki a koutou katoa i aawhina ki te waihanga i teenei mahere, ngaa roopuu hapori, ngaa whakahaere, me ngaa kaitautoko rangatahi. Me mihi hoki maatou ki te katoa i tuku mai i o koutou whakaaro aa-ipurangi, aa-kanohi hoki. Ko te tino mihi, ka tuku ki ngaa rangatahi o Kirikiriroa, e mihi kau atu ana moo te toha i too koutou reo. He whakakitenga teenei naa koutou, moo too koutou aapoopoo. E hiikaka ana maatou ki te mahi tahi me koutou hei whakaora i teenei mahere.

Rangatahi Action Plan Youth Working Group

Aida Eissa, Asher Lewis, Daniel Zhao, Ethan Peng, Eulalia Teodoro, Finn Catchpole, Jake Meinung, Jannat Cheema, Joshua Levis, Keri Jordan Young, Libby Marie Johnston, Liam Carter, Maia Johnston, Malachi Wilson, Mira Arif, Mitchell Jordan, Muhammad Muaz, Riley Fenn, Rosalie Norton, and Ruby Pinheiro.

Rangatahi Action Plan Advisory Support Team

Amy-Leigh Hopa, Billie Searing, Caitlin Wilson, Dujon Cullingford, Helena Kara, Jahvaya Wheki, JT Wilz, Lauren Kerr-Bell, Lawrence Wilkinson, Lusua Solo, Logan Cotter, Marama Kuru, Penny Boyce, Petini Tearaura, Riikka Anderson, Shanara Tuaupiki, Tash Allen, and Zeta Mohn.

Action Partners



Crunch Arts Trust

Sport Waikato



Hamilton City Council
Garden Place, Private Bag 3010, Hamilton

 HamiltonCityCouncil

 @hamilton_city_nz

 07 838 6699

[hamilton.govt.nz](https://www.hamilton.govt.nz)